

艺
文
类
聚

艺

文

类

聚

藝文類聚卷第八十三

唐太子率更令弘文館學士歐陽詢撰

明

秣

陵

王元貞校

寶玉部上

寶玉

金珪

銀

寶

爾雅曰琛寶也

美寶為琛

禮記曰南宮敬叔反必載寶而朝

敬叔魯卿失位去魯得反載其寶以

朝

夫子曰如是其貨也喪不如速貧之愈也

左傳曰晉荀息請以屈產之乘垂棘之璧假道於虞以伐虢公曰是吾寶也對曰若得道於虞猶外府也

又曰宋人得玉獻諸子罕曰以示玉人玉人以爲寶也故敢獻之子罕曰我以不貪爲寶爾以玉爲寶若以與我皆喪寶也不若人有其寶

公羊傳曰虞公貪而好寶及爲晉所滅抱寶牽馬而去又曰盜竊寶玉大亏

穆天子傳曰西征至陽紆之山河伯馮夷所都是惟河宗氏天子崑崙之山丘春山之寶玉

管子曰玉起於禺氏金起於汝漢珠起於赤野先王爲其從遠其至之難故託用於其重以珠玉爲上幣黃金爲中幣刀布爲下幣

史記曰梁惠王與齊威王田於郊威王問曰王亦有
寶乎惠王曰若寡人國小尚有徑寸之珠照車前後
各十二乘者十枚柰何以萬乘之國而無寶乎威王
曰寡人之寶與王異吾臣有檀子者使守南城則楚
人不敢爲寇東取泗上十二諸侯皆來朝吾臣有盼
子者使守高唐則趙人不敢東漁吾吏有黔夫者使
守徐州則燕人祭北門趙人祭西門齊之北門西門也言燕趙之人
畏見侵伐故祭以求福徙而從者七千餘家吾臣有種首者使
備盜賊則道不拾遺將以照千里豈特十二乘哉梁
惠王慙不懌而去

淮南子曰夫夏后氏之璜不能無考

考璜璽也

明月之珠

不能無類

類絲結也

其小惡不足以妨大美也今志人所

短忘人所長而求得賢乎天下則難矣

謝承漢書曰鄒人王逢得路遺寶物懸衢道求

主還

晉安帝紀曰桓玄尤愛珍寶常玩弄珠玉不離

于手

地鏡圖曰凡觀金玉寶劍銅鐵皆以辛之日待雨止

明日平旦及黃昏夜半觀之所見光白者玉也赤者

金黃者銅黑者鐵

金

爾雅曰黃金謂之盪

音

其美者謂之鏐

音

曰王亦音

尚書洪範五行四曰金金曰從革從革作辛

孔安國金可改

庚辛金

氣也

穆天子傳曰披圖視天子之寶黃金之膏

晏子曰景公爲履黃金之綦

孝經援神契曰石潤苞玉丹精生金翠羽揚也

三物台和

氣故能變通易色也

又曰四夷賓服則金勝土

孫氏瑞應圖曰王者不藏金玉則黃金見深山

禮斗威儀曰君乘金而王其政平則黃金見深山

列子曰齊人有欲金者清旦衣冠之市適鬻金者之所因攫其金而去吏捕之問曰人皆在焉子攫人之

金何故對曰取金之時不見人徒見金

魯連子曰秦師圍趙而退平原君以千金欲爲魯連先生壽連笑曰所貴天下士者爲人釋難解人締結若即有取商賈之事連不忍爲也

韓子曰荆南麗水之中生金

燕丹子曰太子自喜得荆軻永無憂秦後日與軻之東宮臨池而觀軻拾瓦投竈太子令人奉盤金軻用祇賜金復進軻曰非爲太子憂金也但臂痛耳

史記曰秦獻公十八年雨金櫟陽公自以得金瑞故作畦時於櫟陽祀白帝又曰秦始皇葬於驪山以黃

金爲鳬鴈

韓詩外傳曰楚襄王遣使者持金千片白璧百雙聘莊子欲以爲相莊子辭而不許使者曰黃金白璧寶之至也卿相尊位也先生辭而不受何也

吳越春秋曰延陵季子出遊於齊見路有遺金有披裘採薪者季呼薪者取彼地金薪者曰吾當夏五月披裘而薪豈取金者哉

列仙傳曰安期先生始皇請見之賜金璧數千萬列女傳曰秋胡子旣官於陳五年乃歸未至見路傍有一美婦人方採桑秋胡子下車謂之曰吾有金願

與夫人婦笑曰嘻夫採桑以作紡績經織以供衣食
奉二親養夫子而已矣吾不願人之金

漢書曰武帝行幸回中詔曰往者朕郊見上帝泰山
見金宜更黃金爲麟趾裹蹄以協瑞焉又曰梁孝王
未死時金以巨萬計不可勝數及死藏府餘黃金尚
四十餘萬斤他財物稱是又曰季布爲任俠有名楚
人諺曰得黃金百斤不如得季布一諾又曰直不疑
爲郎事文帝其同舍有告歸者誤持同舍郎金主覺
亡意不疑不疑謝之買金償之後告歸者來而歸金
前郎亡金者大慙又曰韋賢傳曰鄒魯諺云遺子黃

金滿籩不如教子一經又曰疏廣徙爲太傅頃之兄
子受爲少傅父子並爲師傅俱乞骸骨上以其年老
皆許之加賜黃金二十斤皇太子贈以五十斤又曰
秦幣黃金方寸而重一斤以鎰爲名
漢武故事曰帝年數歲長公主遍指侍者曰與子作
婦好否皆不用後指陳后帝曰若得阿嬌當作金屋
貯之
續漢書曰楊震爲東萊太守道經昌邑初震爲荊州
舉茂才王密密時爲昌邑令謁見至夜懷金十斤以
遺震震曰故人知君君不知故人何也密曰暮夜無

知者震曰天知神知子知我知何謂無知密愧

出而無

廬江七賢傳曰陳翼到藍鄉見道邊有馬傍有一病

人呼曰我長安魏公卿聞廬江樂來遊今病不能前

翼迎歸養之病困曰有金十餅素二十四匹死則賣以

殯歛餘謝主人既死翼賣素買棺衣衾以金置棺下

騎馬出入後其兄長公見馬告吏捕翼翼具言之棺

不得金長公叩頭謝以金十餅投其門中翼送長安

還之翼後爲魯陽尉號魯陽金尉

漢書曰王陽好車馬衣服及遷徙其載不過囊衣不

畜餘財天下服其廉而怪其奢故風俗傳云王陽能

作黃金

邴原別傳曰原以喪亂方熾遂到遼東時同郡劉攀亦俱在焉遼東人曷奪太守公孫度度覺之捕其家而攀得免度曰有藏劉攀同誅攀窘逼歸原曰窮鳥入懷原曰焉知斯懷之可入遂匿之月餘東萊太守太史子義素有義節原欲以攀付之攀臨去以其手所杖劔金三餅與原原受金辭劔還謂度曰將軍平日與攀無郅而欲殺之者但恐其爲蜂虿耳今攀以去而尚拘閑其家以情推之其念爲毒螫必滋甚矣度從之即出攀家原以金還之

曹操別傳曰操別入碭發梁孝王冢破棺收金寶數萬斤天子聞之哀泣

英雄記曰董卓郿塢有金二三萬斤

益部耆舊傳曰王悅諸師於客舍見諸生病甚困謂悅云腰下有金十斤願以相與收藏尸骸未聞姓名而絕悅賣金一斤以給棺殮九斤置生腰下後署大度亭長到亭日有白馬一疋入亭中其日大風有一繡被隨風而來後乘馬突入金彥門彥父見曰真盜矣悅說狀又取被示之悵然曰此我子也以被馬歸彥父彥父不受遺迎彥喪金具存

錄異傳曰隗炤者汝陰鴻壽亭民善於易臨終書板授其妻曰吾亡後當大荒窮雖爾而慎莫賣宅也到後五年春當有詔使來頓此亭姓龔此人負吾金卿以此板往責之勿違言也亡後果大困欲賣宅者數矣憶夫言輒止到期日有龔使者果止亭中妻遂賁板往責使者使者執板不知所言曰我平生不踐此何緣爾耶使者沉吟良久謂曰賢夫何能妻曰夫善易而未嘗爲人卜使者曰可知矣乃顧命侍者取蓍而筮之卦成抵掌歎曰妙哉隗炤生含明隱迹而莫之聞可謂鏡窮達而洞吉凶者也於是告炤妻曰吾

書之類聚 卷之三
不相負金賢夫自有金乃知亡後當斃窮故藏金以待泰平所以不告兒婦者恐金盡而困無已也吾善易故書板以寄意耳金有五百斤盛以青氈覆以銅梓埋在堂屋東頭去壁一丈入地九尺妻還掘之皆如卜焉

搜神記曰郭巨兄弟三人早喪父禮畢二弟求分以錢二十萬二弟各取千萬巨獨與母出居客舍夫婦傭賃以給供養居有頃妻產男巨念與兒妨事親一也老人得食喜分兒孫減饌二也乃於野鑿地欲埋兒得石蓋下有金一釜中有丹書曰孝子郭巨黃金

一釜以用賜汝於是名振天下

世說曰管寧華歆鋤菜見金管揮鋤與瓦石不異華捉而擲去

異物志曰狼臙民與漢人交關常夜爲市以鼻嗅金知其好惡

扶南傳曰毗騫國食器皆以金爲之

幽明錄曰淮牛渚津水極深無可筭計人見一金牛形甚瑰壯以金爲鑲絆又曰巴丘縣自金岡以上二千里名黃金潭莫測其深上有瀨亦名黃金瀨古有鈎於此潭獲一金鑲引之遂滿一船有金牛出身奔